



ՄԱՆՅԱ ՂԱԶԱՐՅԱՆ

ՀԱՅԿԱԿԱՆ ՄԻՋՆԱԴԱՐՅԱՆ ՓԱՅՏԵ ԵԿԵՂԵՑԱԿԱՆ ԴՌՆԵՐԸ*

Փայտի գեղարվեստական փորագրության և գեղարվեստական կերպավորման առումով առանձնակի խումբ են կազմում Թեոդոսիա (Ղրիմ) քաղաքի եկեղեցիների դռները:

Թեոդոսիայի եկեղեցիներին նվիրված առանձին աշխատություններում հիշատակվում են մի քանի դռներ, որոնք զարդարել են տեղի ս. Սարգիս և Հրեշտակապետաց եկեղեցիները: Այս դռները հիմնականում կատարվել են XIV—XV դդ.: Հնագույնը Գաբրիել և Միքայել հրեշտակապետների եկեղեցու դռնն է, որը նախկինում եղել է ս. Սարգիս եկեղեցուն: Այն ընկուզենու փայտից է, վերին մասում տեղադրված արձանագրությունը շեշտում է դռան պատրաստման տարեթիվը՝ ՊԺԷ (1368)²²: Այս


դռան հարդարանքում առկա է ձևավորման որոշակի տեղական կնիք, մշակման չորություն: Նույն այս դռան օրինակով ստեղծվել է մեկ ուրիշը, որի արձանագրության մեջ հիշատակվում է փորագրման ժամանակը՝ 1371 թ. («է յիշատակ վասն ամենի 'ի յութ հարիւր և ի թվի գործեալ ձեռամբ Ծնոֆոր շահի»: Մյուս փեղկի վրա փորագրված է. «Կատարեցաւ դռոս տաճարի սրբոյն Սարգսի զարաւարի, արդար արդեամբք ժողովորդի»²³: XIX դ. դուռը տեղափոխվել է տեղի Հրեշտակապետաց եկեղեցին, վերանորոգվել է, իսկ այժմ պահպանվում է Լենինգրադի պետական էրմիտաժում²⁴:

* Ծարումակված «Էջմիածին» ամսագրի 1981 թվականի № Բ-ից:

²² Արձանագրությունն է. «Տր Մամիկոնեանց 'ի թվին ՊԺԷ մարտի ԻԸ»: Ունի նաև հետագայում փորագրված արձանագրություն. «Այս դռոս է սր տաճարի, որ է յանուն սր. Սարգսի զարաւ»: «Յիշ. արդեանց Թորոսի. յիշատակ իւր և իւր զարմի. 'ի թվի ԶԷԹ (1580)»: Հ. Մ. Բժշկեանց, Ծանապարհորդութիւն ի Լեհաստան..., Վենետիկ, 1880, էջ 349:

²³ Նույն տեղում, էջ 351: Այս դռների մասին տես նաև. *Хр. Кучук-Иоаннесов*, Старинные армянские надписи и старинные рукописи в пределах юго-западной Руси и в Крыму. В книге «Труды восточной комиссии императорского московского археологического общества». Москва, 1903, т. 1, вып. III.

²⁴ А. Л. Якобсон, Армянская средневековая архитектура в Крыму. «Византийский временник», Москва—Ленинград, 1956, т. VIII. Դռները հիշատակվում են նաև. Վ. Միքայելյան,



Դուռ Թևոդոսիայից: 1371 թ.: Լենինգրադ, պետական Էրմիտաժ

1371 թ. կատարված դուռը Թեոդոսիայում պահպանված փայտյա դռներից ամենալավագույնն է, որի ձևավորումն արված է հստակ և արևելյան ինքնատիպ մտածողությամբ: Հաստ ու կարծր կաղնու հավասարաչափ երկու հատվածների բաժանված տարածությունը Ծնորոշաֆ վարպետի ստեղծագործական հմտության շնորհիվ ծածկվել է երկրաչափական զարդաքանդակներով, որոնք յուրաքանչյուր դռան վրա ոճավորված խաչաձև երեքական հատվածներ են կազմում: Ուշագրավ է, որ ճիշտ մույն զարդանախշով, խաչերի ու ակամքների տերևների տարատեսակների մույն զուգորդումներով, 1355 թ. պատրաստվել է մեկ այլ դուռ, որը պահպանվել է Երուսաղեմի ա. Հակոբյանց վանքի տաճարի ներսում: Արևելագետ Զոն Կարսունը հատուկ ուսումնասիրության նյութ է դարձրել վերոհիշյալ դուռը²⁵: Անդրադարձալով դռան կառուցվածքին, ակարագրելով զարդաքանդակները (բուսական զարդանախշի մեջ երկարաձիգ տեղադրված չորս շարք խաչերը), մա ճշտում է նաև դռան վերևում երեք շարքով տեղադրված արձանագրությունը²⁶: Դուռը կառուցվել է Հովհաննեսի հիշատակին, նրա որդիների կողմից: Զ. Կարսունը հանգում է շատ հետաքրքիր մի եզրակացության. դուռը կարող է Երուսաղեմ բերված լինել թերևս Իրանից, որտեղ ստեղծված խեցե սալիկների հետ (Քաշան, XV դ.) մեծ աղերս ունեն այս դռան զարդանախշերը: Կարելի է ենթադրել, որ այս դուռը ևս դուրս է եկել Թեոդոսիայի վերոհիշյալ դռան արվեստանոցից կամ նրանք ունեցել են ընդհանուր մի նախօրինակ: Բոլոր դեպքերում, դռների այս խումբը կապվում է Արևելյան Հայաստանի փայտի գեղարվեստական փորագրության դարոցի առանձնահատկությունների հետ²⁷:

Լրիմի հայկական գաղութի պատմությունը: Երևան, 1964: Նրանց առանձին հոդված է նվիրել Հ. Հարությունյանը, «800-ամյա քանդակագործ մի դուռ»: «Սովետական արվեստ», 1968, № 11:

²⁵ Զ. Կարսունը իր ուսումնասիրությունների արդյունքների մասին զեկուցեց Հայ արվեստին նվիրված միջազգային II սիմպոզիումում. *Джон Карсунян*, Резная дверь в армянском кафедральном соборе св. Якова в Иерусалиме. Ереван, 1978.

²⁶ Ձախ փեղկի վրա. «Կազմ դռան Սուրբ Տաճարի որ է յանուն սուրբ Պատրիկի Առաքելոց Մեծայ գնդի»: Այս փեղկի վրա. «Սա յիշատակ անցնելի հեզահոգույն Յոհաննեսի եւ որում հեկ և Միրզա եւ տի թվին ՊԵ (805=1356)»:


²⁷ Այս դռան գեղարվեստական արժանիքներին առաջինն անդրադարձավ Գարեգին արքեպս. Հով-

XVI—XVII դարերում ինչպես կերպարվեստի մյուս բնագավառներում, նույնպես և փայտի գեղարվեստական փորագրության կենտրոնները տեղադրվում են գաղթօջախներում. Նոր Զուղա, Հալեպ, Լրիմ, Մոսկվա, Լվով և այլուր: Այստեղ ստեղծված աշխատանքներն անդրադարձնում են ինչպես ազգային կիրառական արվեստի բնորոշ գծերը, նույնպես և տարբեր երկրների արվեստների հետ ունեցած աղերսներն ու ազդեցությունները: Այս դարերում փայտի գեղարվեստական փորագրությամբ կատարված դռների արվեստում որոշակի անկում է նկատվում, առկա են էկեկտիկ մի տարրեր, որոնք թելադրված են ինչպես արվեստի այս տեսակի, նույնպես և ճարտարապետության գեղարվեստական կերպարում կատարվող որոշակի փոփոխություններից: Այսպիսի աշխատանքներից են Եվդոկիայի ա. Հովակիմ-Աննայի վանքի երբեմնի տաճարի դռները, որոնք թեև կատարված են 1479 թ., բայց արդեն սկզբնավորում են արվեստի այս տեսակի ուշ շրջանին բնորոշ գծերն ու առանձնահատկությունները: Երկփեղկանի այս դուռը պատրաստված է երեմոսի փայտի իրար ազուցված մանր կտորներից՝ վեցանկյուն աստղեր կամ խաչեր, որոնք սակայն շատ ավելի առանձնացված են դիտվում: Ըստ արձանագրության, դուռը պատրաստվել է Հակոբ վարդապետ Երուսաղեմցու կողմից²⁸:

Հին Լրիմից (Կարասու Բազարից) պահպանվել են փայտի դռներ (Լեմիզորադ, Պետական էրմիտաժ) կատարված 1572 թ.: Դռների վրա փորագրված են տեղական փորագրական արվեստում լայն տարածում

սեփյանը: Նա վերծանեց արձանագրությունը (թերի), դռան պատրաստումը համարելով 1371 թ. (ՊԻ): Գարեգին արքեպս. Հովսեփյան, Մանր արվեստի օրինակներ Երուսաղեմի վանքից: «Պաշար», տարեգիրք, Բեյրութ, 1950:

²⁸ Արձանագրությունն է. «Ի թուին ԶԻԸ (1579) կազմեցաւ դուռս սբ. Տաճարիս, զիշատակ Տ. Գրիգորիս արքեպիսկոպոսի եւ Տ. Կարապետ կաթողիկոսին հանգուցելոյն ի Քրիստոս, որ եղև պատճառ շինոթեան սուրբ տաճարիս եւ այլ ամենացն երախտաւորաց հայոց ազգիս եւ միաբանիցս եւ աշխատութեամբ... ձեռամբ անարհեստ Յակոբ վարդապետի Երուսաղեմցոյ շինեցաւ...»: Տրդատ եպիս. Պալեան, Հայ վանքերայք ի Թուրքիա: Ա մաս, Իզմիր, 1914, էջ 131, Արշակ Ալպտաճյան, Պատմութիւն Եդրկիոյ հայոց: Գահիրե, 1952, Հ. Ներսես Ափրիմյան, Եվդոկիայի եկեղեցոյն դուռն: «Հանդես ամսօրյա», 1961, № 75, էջ 983—984, որտեղ հրապարակված է 1911 թ. Եվդոկիայից ստացված դռան լուսանկարը:



Դուռ Թեոդոսիայից: 1572 թ.: Լեմկոգրադ, պետական Էրմիտաժ

գտած ոճավորված խաչերի ուրվագծերը: Դրան վարպետը բարձր փորվածքով խաչերի եռագիծ շրջանակներ է անում: Ականթի տերևներով ստեղծված նրբահյուս զարդաքանդակները հիշեցնում են գրքային արվեստում լայն տարածում ստացած լուսանցազարդերը: Դրան երիզի զարդաքանդակը նույնությամբ կրկնում է 1871 թ. փայտե դռան զարդամոտիվը: Դրան գեղարվեստական կերպարի ամբողջացմանը խանգարում է արձանագրության հատվածի անշուք և անմշակ կառուցվածքը, տառերի անհավասար գծային փորագրությունը: Փեղկերի հիմնական մասը վարպետն առանձին է փորագրել ու տեղադրել շրջանակի մեջ: Փեղկերի ու շրջանակի որոշ մասերի հավելումների անհամապատասխանությունը, զարդաձախշերի ոճական որոշակի տարբերությունները, նրանց միասնականության բացակայությունը, ինչպես նաև շրջանակի կոպիտ փորվածքը հիմք են չալիս ենթադրելու, որ դրանք տարբեր դռների հատվածներ են և հետագայում են հավաքվել իրար հետ²⁹:

Դռների նույն խմբին են պատկանում Դրիմից Նոր Նախիջևան տեղափոխված փայտե դռան քեկորը (եղել է Գրիգոր Լուսավորչի եկեղեցու խորանում, այժմ՝ Հայաստանի պատմության պետական թանգարան), ինչպես նաև Հին Դրիմի (Սուրխաթի) մոտ ս. Խաչ վանքի տաճարի դռները, որոնք ըստ Վ. Սմիռնովի «բավականին կոպիտ աշխատանքներ են և չեն բավարարում ոչ աշխատանքի մաքրությամբ, ոչ հմտությամբ»³⁰: Դրանց հակառակ, Տաթևի 1814 թ. պատրաստված փայտե դռան կոմպոզիցիայում, ավանդները պահպանվում են ինչպես հորինվածքների զարդաքանդակային կոմպոզիցիաներում, նույնպես և փորվածքի նրբագեղության ու հստակության մեջ³¹: Այս դռան վարպետը երկու հավասար մասերի է բաժանում կենտրոնա-

կան կոմպոզիցիան, որից մեծանում է ցածի վարդակը և վերևի խաչի համար համեմատաբար փոքր տարածություն է մնում: Կենտրոնական տեղ գրավող այս խաչի թևերի տակ նա տեղավորում է նույնպես փոքրաչափ խաչեր, որոնք առնվում են կամարատեսք կիսաշրջանակների մեջ: Կոմպոզիցիայի այսպիսի ծանրաբեռնվածությունը թելադրված էր նաև XVII դարում որոշակի անկում ապրող քարի փորագրության արվեստից:

Տաթևի վանքի համար պատրաստված երկու դռներն իրարից բաժանում է մոտ 350 տարի, սակայն երկուսն էլ ունեն մտածողության որոշակի միասնականություն, գեղարվեստական արտահայտչականության հնարների նույնություն: Միաժամանակ, դրանցից յուրաքանչյուրը կապված է իր ժամանակի հետ: Մեկը՝ միջնադարյան հայ արվեստի ծաղկման ժամանակաշրջանի արտահայտություն է, մյուսը՝ անկման: Պետք է ենթադրել, որ եղել են նաև միջանկյալ օրինակներ, քանի որ, շատ հավանական է Տաթևում փայտի գեղարվեստական փորագրության տեղական դպրոցի գոյությունը:

Գեղարվեստական ընտիր փորագրված դռներ է ունեցել Ագուլիսի ս. Թովմա առաքյալի վանքի եկեղեցին: Արևմտյան դռան վրա քանդակված է եղել խաչը ձեռքին Քրիստոսը, որի կողք շոշափում է Թովմա առաքյալը: Դրան եզրերին, առանձին հատվածներով, քանդակված են եղել Աստվածամայրը, Մարիամ Մագթադենացու, Աստծո, լուսնի պատկերումները, ունեցել է նվիրատվության արձանագրություն, ըստ որի դուրը պատրաստվել է 1694 թ.³²: Ինչպես տեսնում ենք, ժամանակի գեղանկարչության զարգացումն իր հետքն է թողել նաև փայտի գեղարվեստական փորագրության վրա:


Նոր Զուղայի եկեղեցիների դռների փորագրության մեջ զգալի է պարսկական արվեստի ուժեղ ազդեցությունը: Լավագույններից է Աստվածամոր եկեղեցու հարավային դուռը, որի երկու փեղկերի ողջ տարածությունն ընդարկում է առանձին քառանկյունիների մեջ առած ստալակտիտե ոճավորված ուրվագծեր, որոնք լայն տարածում ունեն մուսուլմանական արվեստում: Նոր Զուղայի եկեղեցիների դռները, որոնք պատրաստվել են XVII դ. վերջում և XVIII դարում, մի փոքր ծանրանիստ են և հեռու արվեստի մյուս տեսակների արտահայտ-

²⁹ Թեոդոսիայի ս. Սարգիս եկեղեցու դռներից մեկն ունի այս արձանագրությունը. «Արդեամբք կիր Ալեքսին յիշատակ իր եւ ծնողաց իւրոց»: Մյուս փեղկի վրա. «Աջս դրան սրբոյ Սարգսի զարավարին եղև»: Հ. Մ. Բժշկեան, ԱԶՎ, աշխ., էջ 349:

³⁰ В. Смирнов, Археологическая экскурсия в Крым летом 1886 года. «Записки восточного отделения Императорского русского археологического общества», т. I, вып. IV, СПб, 1887. Նույնը՝ Խորեն Ստեփանե, Դրիմի սուրբ Խաչ վանքը: ՍՊԲ, 1891, էջ 11—12:

³¹ Դրան աջ կողմի անկյունում փորագրված է. «Թվին ՌԿԳ»: Չափն է 198×110: Հայաստանի պատմության պետական թանգարան:

³² Ե. Լալայան, Գողթն: Թիֆլիս (առանց տարեթվի), էջ 70:




Դուռ սաղափապատ: Վարպետ Հակոբ. 1731 թ.:
Երուսաղեմ, Ա. Հակոբյանց Մալր տաճար

չականությունից: Նոր Զուղայի փայտի փորագրության ոճական արձագանքները տեսնում ենք Ա. Թադեի վանքում: Տաճարի հյուսիսային մուտքի դռան կոմպոզիցիան կառուցված է աստղաձև և շրջանակաձև տարրերից: Այստեղ նշանակալից դեր են խաղում ման հավասարաչափ դասավորված մետաղյա հղկված բութակները, որոնց զբնդիկներից ճառագայթաձև դեպի հակադարձ անկյունն են գնում ողորկ փայտիկներ, իրենց շուրջն ունենալով մանր շրջանակներ: Ա. Թադեի տաճարի դուռն ունի ընդգծված հատակ կոմպոզիցիա՝ եզրերում և մեծտեղում տեղավորված շրջանակներ, որոնց վերևում փորագրված է կատարման մասին արձանագրությունը³³: Դուռն ուշագրավ է ման փայտի գեղարվեստական մշակման տեխնիկայի տեսակետից: Փայտի առանձին մանր կտորները հավաքված և ամրացված են ուրիշ տախտակի վրա: Այսինքն, մենք զործ ունենք արդեն ինտարսիայի տեխնիկայի հետ, որպիսիք են ման Մեղրու եկեղեցու դռները (XVI դ.): Բավականին մոնումենտալ տեսք ունի ս. Ստեփանոս Նախավկայի վանքի (Իրան) տաճարի գլխավոր մուտքի փայտե դուռը (1660): Այստեղ արդեն խաչը կորցնում է իր առաջնահերթ նշանակությունը և ձուլվելով բազմանիստ երկրաչափական տարատեսակ զարդերին, հանդես է գալիս որպես ընդհանուր տարածք կազմող տարր: Գծերի ու զարդանախշերի հատակ համաչափությունները, երկաթյա գնդաձև բութակների առատությունը շքեղություն են հաղորդում դռան ընդհանուր տարածքին³⁴:

Փայտի գեղարվեստական փորագրության արված դռների արվեստը XVIII դ. անկում է ապրում: Հիշատակություններ կան, որ արվեստի այս տեսակը որոշակի աշխուժություն է ապրում Կ. Պոլսում: Սակայն, քաղաքի տարբեր թաղամասերում պարբերաբար առաջացած հրդեհները ոչնչացրել են ման այսպիսի արժեքները: Հայտնի է, որ այնպիսի բարձր վարպետության Էր կատարվում դռների փորագրու-

³³ «Յիշատակ է դուռս սուրբ ... սրբազան ՌՄ»:

³⁴ Արձանագրությունն է. «Յ(ի)2(ա)տ(ա)կ է դուռս ագուլ(ե)ցի խօճ(ա)յ Ն(ի)կողայոսին եւ Կ(ո)-դ(ա)կցացն Մարիամին եւ Մ(ա)րգ(ա)ր(ի)տին եւ սրապին Բ(ա)րթողլին եւ ծն(ո)ղ(ա)ցս Ղ(ա)րդ(ա)2(պա)լուն եւ 2իչակ(ին)... եղբորն Նազ(ա)-րին եւ որդոց սոցին: Տիրունին, Յարութ(ի)նին, Ահարոնին, Սամուէլին, Եղիային, Խ(ա)2(ա)տուրին, Եղիազարին եւ միւս Նազարին եւ քվեր(ն) Եղիասրբրին թվ(ին) ՌժԻԹ (1680)»: Լ. Մինասյան, Իրանի հայկական վանքերը: Թեհրան, 1971, էջ 33:



Ս. Էջմիածնի Մայր տաճարի դուռը: 1889 թ.

թյունները, որ Կ. Պոլսի հայ վարպետների աշխատանքները տարվում էին այլ քաղաքներ: Օրինակ, Երուսաղեմի ս. Հակոբյանց վանքի Պողոս և Պետրոս առաքյալների խորանի ցածի մասում եղած դռան մասին պահպանվել է հետաքրքիր հիշատակություն, թե այնտեղ «կայ սուրբ Էջմիածնոյ դուռն, որ մեք Ստամպոլու հետ տարաք, մահտեսի Ղանտիլին շինածն է, սիրուն գեղեցիկ տօղրամայ. հին դուռն համեցին և

այս դուռն մորա տեղն դրին լուսնոտով»՝ գրում է Զիար Ժիերճի օղլու քահանան, 1711—1712 թթ. Կ. Պոլսից Երուսաղեմ կատարած իր ճանապարհորդական օրագրում³⁵:

³⁵ «Բազմալեպ», Վենետիկ, 1867, № 5, էջ 207: Երեմոսի և մոճե փայտից էին ման Երզնկայի Տիրաշեն կամ ս. Ներսես Հայրապետի վանքի դռները՝ բանդակազարդ ու արձանագրություններով: Արտավազդ արքեպս. Սուրմեյան, Երզնկա: Գահիրե, 1947, էջ 92:

Փայտի գեղարվեստական փորագրությամբ փոխարինելու եկավ ինկրուստացիան՝ դրվագազարդումը։ Ինկրուստացիայի արվեստը հայաբնակ տարբեր վայրերում զարգացման տարբեր աստիճաններ է ունեցել։ Փղոսկրի կամ կրիայի զրահի, ինչպես նաև գաղտնիկության փոքրիկ հղկված կտորներով ծածկված դռները, զարդատուփերը, ժողովրդական երաժշտության գործիքները, զենքերը կրել են արևելյան կիրառական արվեստի ուժեղ ազդեցությունը։ Հայ վարպետներն այդ գործով զբաղվել են Իրանում, Հնդկաստանում, Թուրքիայում և արաբական երկրներում։

Ինկրուստացիայի տեխնիկայով արված հետաքրքիր գործեր են Էջմիածնի տաճարի ավանդատան դռները, կատարված 1721 թ. (Հայաստանի պատմության պետական թանգարան)։ Ինչպես վկայում է դրան արձանագրությունը, դրանք Էջմիածնին է նվիրաբերել Ապուշեղի Ազատենց ստաֆ Հակոբը³⁶, որը կարող էր դռները պատվիրած լինել և՛ Հնդկաստանում, և՛ Իրանում գործող հայ վարպետներին, քանի որ հայ սաղափագործները հիմնականում այդ երկրներում էին կենտրոնացած։ Դռների զարդանախշի կառուցվածքը հիշեցնում է գորգերի դասական կոմպոզիցիա։ Կենտրոնական մասը երիզված է մի քանի շարք տարբեր զարդանախշերով։ Ներսի մասում հարթությունը լցված է ոլորապտույտ բուսական նախշերով, որոնք վերջանում են զանազան տեսակի ծաղիկների ոճավորված հատվածներով։ Զարդերի դասավորությունը սիմետրիկ է, հնդկա-պարսկական ոճի։ Կարևորը գաղտնիկության դեղնա-կարմրագույնի և փայտի մուգ-շագանակագույնի համադրություններն են, որտեղ խորությունների (փորվածքների) ստվերներն ընդգծում են գաղտնիկու մասերի գեղանկարչական շքեղությունը³⁷։ Այս դռները ե-

զակի չեն եղել հայ արվեստում։ Ազուլիսիս. Հովհաննես եկեղեցին³⁸, Կեսարիայի ս. Կարապետ վանքի սրբի գերեզմանի խորան-մատուռը³⁹ նույնպես ունեցել են սաղափե ինկրուստացիայով ձևավորված դռներ։

Գարեգին արքեպս. Հովսեփյանը Երուսաղեմի ս. Հակոբյանց տաճարի գաղտնիկու զարդարումն դռների (1731) հրապարակման կապակցությամբ այն միտքն է հայտնում, որ այս արվեստը ծագումով պարսկական է, սակայն հայ վարպետները նրանցից վերցրել են միայն տեխնիկական կողմը։ Հայ վարպետները հորինում են հայկական զարդանախշեր և դրսևորում տեխնիկական ինքնուրույն հմարներ⁴⁰։ Հիրավի։ Երուսաղեմի դռների շրջանակների, ինչպես նաև դռների երկու կողմերի տարածքի բուսական զարդանախշերը ոչ միայն թելադրված են հայկական մանրանկարչության ավանդույթից, այլև զգալի առնչություններ ունեն ժամանակի որմնանկարչական արվեստի հետ։ «Հակոբ ծառան», ինչպես իրեն արձանագրության մեջ անվանում է դռները պատրաստող վարպետը⁴¹, ժամանակի խոշոր արհեստավորներից է, որի աշխատանքը դուրս է գալիս այդ սահման-

ցեր եղբայրների կողմից։ Դռները համեստ գեղարվեստական փորագրություններ ունեն։ Սուղ զարդերը կտրտված ու փակցված են փայտե հեմքին։ Ն. Գրիգորյանց, Մի քանի խոսք Ա. Էջմիածնի դռների առթիվ։ «Նոր-Դար», Թիֆլիս, 1890, 17-րդ օգոստոսի, № 121։

³⁸ Արձանագրություններն են. «Յիշատակ է դուռս հախումին և կողակցին եւ որդուցն նոցին. Ած ողորմի աշխատաւորացն թվին ՌՃԱ (1682)»։ Ե. Լալայան, Գողթն։ Թիֆլիս, էջ 65։

³⁹ Արձանագրությունն է. «Յիշատակ է այս գեղեցկաշէն դուռն ար. Կարապետի տաճարին Պասմանի Պետրոսի որդի Մահտեսի Աստուածատուրին եւ հանգուցեալ եղբորն Եւայեայ, եւ մօրն Եւայի, ի թուին ՌՄԺ (1761)։ Համաշխարհացին առաջին պատերազմի տարիներին դուռը թուրքերը տնդափոխել են Ստամբուլ։ Ապուշեղյան Ա., Պատմություն հայ Կեսարիոյ։ Հ. Ա., Գաբիրե, 1937, էջ 977, 988։

⁴⁰ Գ. Հովսեփյան, Մանր արվեստի օրինակներ Երուսաղեմի վանքից։ «Պաշար», Բեյրութ, 1950։

⁴¹ Արձանագրություններն են. «Գեղեցիկ դուռն շինեցաւ ի պատրգութն Տճ Գրիգորի եւ Տճ Յովանու վարդապետեցն։ «Վասն գլխադրի սրբյն ՅԿԲ եւ է յիշատակ Կամրկապից Նազարի որդուցն օրինել» «Մհառնց Մակարին, Առաքելին, Մարտիրոսին եւ Յրութին, եւ ճնղցն եւ ամ զմիցս»։ «Ընթերցող-քը յիշեցէր եւ ամ ողորմի ասացէր։ Ի ՌՃԶ (1731) թվին շինեց ի ՅԿԲ ծոյլ»։ Նույն տեղում։

³⁶ Արձանագրություններն են. «Է՛ի հայրապետութեան տեսոն Աստուածատուր սրբազանի զիշատակ է ապուշեղի Ազատենց ստաֆ Յակոբին եւ հոգաբարձութեամբ Աստուպաղի Պետրոս վարդապետի։ ՌՃՀ (1721) թվին»։ «Է՛ի հայրապետութեան տեսոն Աստուածատուր սրբազանի յիշատակ է Ապուշեղի Ազատենց ստաֆ Յակոբին եւ հոգաբարձութեամբ բաղիշեցի Յովհաննես վարդապետին ՌՃՀ (1721) թվին»։ Հ. Լալիս. Ծախաթունեանց, Ստորագրութիւն կաթողիկէ Էջմիածնի եւ հինգ զատաւացն Արարատայ։ Հ. Ա., Էջմիածին, 1842, էջ 44—45։

³⁷ 1889 թ. Էջմիածնի տաճարի համար պատրաստվեցին փայտե երեք նոր դռներ, որոնք գոյություն ունեն նաև այժմ։ Դրանք պատրաստվել են Թիֆլիսում, փայտի փորագրիչներ Ֆրանկե և Զեյ-

ներից ու դառնում իսկական արվեստի ստեղծագործություն:

Գեղարվեստական փորագրություն կամ ձևավորում ունեցող փայտյա դռները ճարտարապետական կառույցների անհրաժեշտ մասն են եղել: Նրանց շնորհիվ մեղմացել են եկեղեցիների պատերի խստությունները կամ առավել շքեղ արտահայտություն են ստացել նրանց բարե դեկորատիվ հարթությունները: Հայ վարպետները հիմնականում դռները ձևավորել են խաչքարերի սկզբունքով, սակայն նրանց խորթ չեն եղել ինչպես ազգային զարդանախշերի տարրերակ-

ները, նույնպես և հարևան ժողովուրդների դեկորատիվ արվեստներից ընկալածը: Միաժամանակ, նրանք դրսևորել են փայտի նյութի և ֆակտուրայի բարձր զգացողություն, նրա գեղարվեստական կերպարավորման վարպետություն:

Արվեստի յուրաքանչյուր ստեղծագործություն հարստացնում է ազգային մշակույթը: Փայտի գեղարվեստական փորագրությամբ կատարված դռները նույնպես դրա վկայություններն են:

ՄԱՆՅԱ ՂԱԶԱՐՅԱՆ

